



Broj: 04 – 2300-2/25

Datum: 12.12.2025. godine

Na osnovu člana 17. tačka c. Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23, 19/23 i 31/24), člana 17. tačka g) Statuta Zavoda za zapošljavanje Brčko distrikta BiH (br.04-230/25), i člana 13. stav (2) Pravilnika o mjerama za podsticaj zapošljavanja (br. 04-1918/25), (u daljem tekstu: Pravilnik), a u skladu sa Odlukom o odobravanju transfera Zavodu za zapošljavanje Brčko distrikta BiH za realizaciju Programa subvencija privrednicima koji su u prethodnim godinama podržani Programima samozapošljavanja u poljoprivredi na području Brčko distrikta BiH (broj: 13-002711/25, broj akta: 01.11.-1186NK-009/25 od 12.11.2025. godine), na svojoj 37. redovnoj sjednici održanoj dana 11.12.2025. godine, Upravni odbor Zavoda za zapošljavanje Brčko distrikta BiH, donosi Odluku (br.04-2300/25 od 12.12.2025. godine), da se objavi

JAVNI POZIV

za prijavu po Programu subvencija privrednicima koji su u prethodnim godinama podržani Programima samozapošljavanja u poljoprivredi na području Brčko distrikta BiH

1. SVRHA PROGRAMA

Svrha Programa subvencioniranja je očuvanje, održivo korištenje, proširenje poljoprivrednih kapaciteta i proizvodnih potencijala u ruralnim sredinama Brčko distrikta BiH u 2025. godini i doprinos rekonstrukciji, modernizaciji, povećanju konkurentnosti poljoprivrednih gazdinstava i jačanju proizvodnih kapaciteta Brčko distrikta BiH u vidu finansijske podrške za lica koja su registrovala poslovnu djelatnost na području Brčko distrikta BiH, kroz Programe samozapošljavanja u poljoprivredi na području Brčko distrikta BiH.

2. NAMJENA SREDSTAVA

Sredstva koja se raspoređuju ovim programom odnose se na transfer Zavodu za zapošljavanje Brčko distrikta BiH (u daljem tekstu: Zavod) namijenjen za subvencije krajnjim korisnicima, a koja se još uvijek nalaze u Registru poslovnih subjekata Brčko distrikta BiH.

Sredstva po ovom Program, krajnjim korisnicima mogu biti odobrena za sljedeće namjene:

- a) nabavku opreme,
- b) nabavku repromaterijala.

3. KRAJNI KORISNICI PROGRAMA

Krajnji korisnici Programa su poslovni subjekti koja su registrovali poslovnu djelatnost na području Brčko distrikta BiH, kroz Programe samozapošljavanja u poljoprivredi na području Brčko distrikta BiH u 2018., 2019., 2020., 2021. i 2022. godini, a koja se nalaze u Registru poslovnih subjekata Brčko distrikta BiH i ispunjavaju uslove iz ovog Programa.

4. USLOVI ZA UČEŠĆE U PROGRAMU

Uslovi za dodjelu sredstava je da krajnji korisnik uz zahtjev dostavi sljedeću dokumentaciju:



- a) Obrazac Zahtjeva i Prijave na Program koji sadrži plan utroška sredstava;
- b) Rješenje o upisu u sudski registar;
- c) Izvod iz sudskog registra ne stariji od mjesec dana od dana objavljivanja Javnog poziva ;
- d) Potvrdu da je upisan u Registar poljoprivrednih gazdinstava Odjeljenja, što se dokazuje potvrdom o upisu ne starijom od mjesec dana od dana objavljivanja Javnog poziva;
- e) Dokaz da su izmireni direktni i indirektni porezi, ne stariji od tri mjeseca od dana objavljivanja Javnog poziva,
- f) Dokaz da nema dospjelih a neizmirenih obaveza za doprinose za zdravstveno i penzijsko osiguranje zaposlenih i doprinosa za slučaj nezaposlenosti, ne stariji od tri mjeseca od dana objavljivanja Javnog poziva.

5. SREDSTVA ZA REALIZACIJU PROGRAMA

Sredstva za finansiranje ovog programa su osigurana Budžetom Brčko distrikta BiH za 2025. godinu na organizacionom kodu 18010001 – Pododjeljenje za analizu i administrativnu podršku i ruralni razvoj, ekonomskom kodu 614100 – Tekući transferi drugim i istim nivoima vlasti, na analitičkoj stavci 614141 – Tekući transferi za javne fondove „Transfer Zavodu za zapošljavanje Brčko distrikta BiH za realizaciju Programa subvencija privrednicima koji su u prethodnim godinama podržani programima samozapošljavanja u poljoprivredi na području Brčko distrikta BiH“.

Visina sredstava za ovu namjenu iznosi 250.000,00 KM.

Iznos sredstava koji će se pojedinačno dodijeliti krajnjim korisnicima će biti linearno raspoređen u zavisnosti od ukupnog broja krajnjih korisnika koji ispune uslove Programa i ukupno raspoloživih sredstava koja su obezbijeđena za ovaj Program.

Iznos sredstava po jednom kranjem korisniku ne može biti veći od zahtjeva i ne može prelaziti iznos od 10.000,00 KM.

6. OBRADA ZAHTJEVA

1. Komisiju za prijem i pregled dokumentacije (u daljem tekstu: Komisija) čine dva predstavnika Odjeljenja i jedan predstavnik Zavoda koje imenuje šefa Odjeljenja.
2. Komisija je dužna u roku od 7 dana, od dana zatvaranje Javnog poziva pregledati prispjele zahtjeve, provjeriti kompletnost zahtjeva i ispunjenost uslova.
3. Nakon pregleda dokumentacije Komisija će sačiniti zapisnik o ispunjenosti uslova podnosilaca zahtjeva te sačiniti listu krajnjih korisnika za dodjelu sredstava.
4. Nakon donošenja liste krajnjih korisnika sredstava Zavod sa istima zaključuje ugovor o dodjeli novčanih sredstava.

7. OBAVEZE KORISNIKA SREDSTAVA

1. Krajnji korisnici sredstava su dužni dobijena sredstva trošiti zakonito, svrsishodno, ekonomično i u skladu s namjenom za koju se sredstva dodjeljuju.



2. Zavod će vršiti kontrolu utroška sredstava dodijeljenih krajnjim korisnicima uvidom u materijalno-finansijsku dokumentaciju krajnjeg korisnika (ugovor o kupoprodaji – original ili ovjerena kopija, faktura – original ili ovjerena kopija i zahtjev za plaćanje i drugo).

8. ROK ZA PODNOŠENJE ZAHTEJEVA

Javni poziv traje 8. dana i počinje teći od 15.12.2025. godine i završava se 22.12.2025. godine, a biće objavljen na web stranici Zavoda i Odjeljenja.

- (1) Tekst Javnog poziva i prijavu sa priložima zainteresovana lica mogu preuzeti sa web stranice Zavoda www.zzzbrcko.org ili u Zavodu, kao i sa stranice Odjeljenja.
- (2) Zahtjev i Prijavu sa Izjavama i potrebnom dokumentacijom dostaviti putem protokola Zavoda za zapošljavanje Brčko distrikta BiH, kancelarija broj 9., zaključno sa 22.12.2025. godine, do 15:30 časova.
- (3) Dodatne informacije mogu se dobiti direktno u Zavodu ili u Odjeljenju.
- (4) Nepotpune i neblagovremeno dostavljene prijave smatraće se nevažećima.
- (5) O rezultatima Javnog poziva aplikanti će biti obaviješteni putem oglasne table i web stranice Zavoda i Odjeljenja.



Predsjednik Upravnog odbora

/ Ilija Goričkić, dipl. oec. /